

«البكا»

البكا منعكش جمالك
كلميني وقولي مالك ؟
صدقيني عشان سلامتك
عدي وجعك بابتسامتك
الدموع لو ليها فايده
كنت ابكي سنين بدالك

ياللي بعشق لون عنيكي
قد عشقي بخاف عليكي
نفسي تبقي حروفي شطك
واهدني عمري الباقي ليكي
وابقي حلك..وابقي حالك

انسي كل الناس دقايق
والمسي في قلبي الحقايق
ولما اضمك .. يا حناني
اضحكيلي بوش رايق
دي الدموع لو ليها فايده
كنت ابكي سنين بدالك

« يوم ما اعترفتيلي »
يوم ما اعترفتيلي بحبك ليا
كانت اللحظة دي بداية لحياتي الحقيقية
كأنك صحيتِ روعي من غفوتها
وبقيتِ ف عيني
النور اللي مليّ الدنيا عليا
كانت الدنيا بتتغير من حواليا
والحياة بترسم نفسها بألوان ثانية
وأنا واقف قدامك
و مش مصدق
انك بقيتي ليا وملك عنيا

يوم ما اعترفتيلي ب حبك ليا
كانت روعي مش ليا
كانت صورتي مش هي
كانت صدمة ل عنيا
كانت فيه وردة ف ايديا
مستنية منك تاخديها
ف خديها
واطمني.....

متي بقيتي بالنسبة ليا
حبييتي.... ودنيتي.... وكل ما ليا.....

ومن ساعتها قلبي ناداك
وفي كل نبضة بيهواك
يوم ورا يوم حلمي بيلقاك
وأيامي كلها بتضحك معاك

و دلوقتي
قلبي بقي ملك ايديكي ..
وما فيش ف الدنيا غيرك ليا
وعد يا حبييتي مش هسيبك
طول ما نبضك حي فيا